


1625_0013.jpg

Histoire de nostre temps.


13

de la Cene du Seigneur, octroyez à quelques Eglises que ce soit, Monasteres, Hospitaux, mesmes à ceux de S. Iean de Hierusalem, aux Maisons, Milices, & Ordres aussi des Mendians, Congregations, Confrairies mesmes des laïques, Vniuersitez & lieux de deuotion, & aux Ordres qui les concernent, Chapitres, Conuents, Maistres & Superieurs, & Ordres, tant seculiers, que de tous autres Mendians, quels qu'ils soient, & personnes regulieres, Coronnes, Grains, Images & Medailles de metal, ou de quelque autre matiere que ce soit, tant en particulier, qu'en general, octroyées par les Papes nos predecesseurs, & que nous mesmes aurions donné à l'instance de l'Empereur, des Roys, Ducs, & autres Princes, ou mesme à l'Empereur, aux Roys, Ducs, & Princes, ou autres, en quelque dignité Seculiere ou Ecclesiastique qu'ils puissent paroistre, mesme d'une speciale prerogative d'honneur par dessus les autres, quand ce seroit aussi à l'instar du Iubilé, ou en quelque autre forme que ce soit, pour quelque cause & occasion, & en quelque teneur & façon que ce pourroit estre, & avec toute sorte de clauses & decrets, voire mesme du propre mouuement, de certaine science, ou autrement, en quelque maniere que ce soit; de toutes lesquelles Indulgences la teneur, forme, derogations & decrets, nous voulons par l'autorité Apostolique, en vertu des presentes, estre tenuës pour valablement exprimées, & par l'aduis & consentement de nosdits Freres, & du plein pouuoir & authorité du S. Siege Apo-


1625_0014.jpg



1625_0015.jpg



1625_0016.jpg



16 M. DC. XXV.

ficat. I. DAT. FANTINVS RENTIVS.
Registree au Secretariat des Breuers. A. GAI.
LOT.

L'an de la Natiuité de Nostre Seigneur Iesus Christ
1624. Indict. 7. le 17. iour du mois de May, le premier
an du Pontificat de nostre S. Pere le Pape Urbain par la
diuine Prouidence VIII. de ce nom, les susdites Lettres
& Bulle Apostolique ont esté publiées & affichées aux
portes des Eglises de S. Jean de Latran, du Prince des
Apostres de la Ville, & de la Chancellerie Apostoli-
que, & à la pointe du champ de Flore, y ayans esté de-
quies, & à la pointe du champ de Flore, y ayans esté de-
quelque temps, & depuis reuisez, & en apres delaissez
coppies desdites Lettres y affichées selon l'ordinaire, par
moy Camille Fondat de Cesis, & Brandimart Latin
Couriers de nostredit S. Pere le Pape. OCTAVIVS
SPADA, grand Courier.


Les guerres
& les mala-
dies causes
que beau-
coup de
personnes
n'allerent à
Rome gai-
gner le lu-
bilé.

A l'ouuerture du Iubilé de l'an 1600 l'Histoi-
re du temps marque qu'il s'y trouua vingt-qua-
tre mil François, & que le long de l'année il
en fut à Rome plus de trois cents mil, de
l'un & l'autre sexe, pour y gagner les Indul-
gences. En ceste année il y en eust esté autant
& plus, mais le bruiet des maladies dans Rome,
la guerre de la Valteline, & les frontieres d'Ita-
lie du costé de France remplies de gens de guer-
re, ont retenu en leurs maisons vne infinité de
personnes deuotieuses qui desiroient y aller
voir les belles ceremonies qui ne s'y font que
aux Années saintes des Grands Iubilez.


Ladislaus
fils du Roy
de Pologne
se rend à

Ladislaus fils du Roy de Pologne, que nous
auons dit au fol. 792. du Dixiesme du Mercure
auoir esté à Bruxelles, & visité le siege de Breda,
s'en alla.

1625_0017.jpg



1625_0018.jpg



1625_0019.jpg

Histoire de nostre temps.


19

que dix compagnies d'infanterie de l'armée de
ladite M. Tres-Chrestienne estoient arriuées
en la ville de S. Sebastien, & en la terre de S.
Croix. Le 8. dudit mois, qui fut le Samedi du
Carnaval, la meilleure partie de ces compa-
gnies s'empara du mont della Castagnia vis-à-
vis du chasteau de Chiavenna, d'autres allerent
prendre leur poste & leur logement à S. Carlo
& à Dragonera, aucuns passerent la riuere pour
s'emparer de l'Eglise S. Laurens, ce qui ne se fit
sans diuers combats qui durerent quatre heu-
res, où de part & d'autre il y en eut de blesez &
de tuez.


Le vnziesme, qui estoit le iour du Carnaval,
en uiron les quinze heures, l'on vit venir le
long du chemin de Piuri vingt-six Enseignes
en belle ordonnance, le tambour battant: Et
en mesme temps le Regiment de dix En-
seignes du Colonel Brugger parut, venant
le long du chemin du Val de S. Iacomo,
& deux cents Caualliers conduits par le sus-
dit Marechal de camp le sieur de Harau-
court. Les soldats de nostre garde receu-
rent toutes ces troupes gaillardement, mais
le nombre des assaillans croissant & s'aduan-
çant, ils se retirerent sur le pont vers la Mera,
où s'estans ioincts avec ceux de la porte de Mi-
lan, il se fit là vne braue resistance: car en mes-
me temps en diuers endroits, & principale-
ment du costé du chasteau se commença vne
grosse escarmouche: mais ceux des portes de S.
Iacomo & de Milan se trouuans chargez, &
voyant tomber sur leurs bras vne multitude

B ij

1625_0020.jpg



1625_0021.jpg



Histoire de nostre temps.

21

ruez: Nonobstant toutes ces choses le chasteau
 a esté defendu courageusement vingt-neuf
 iours, bien qu'il ne fust gueres bien munition-
 né de bois & de vin: car on n'y peut faire met-
 tre qu'environ cent barils de vin (outre les qua-
 tre tonneaux qui y estoient dès le commence-
 ment,) lesquels furent repartis en sept lieux
 pour estre le vin d'iceux distribué aux soldats
 plus commodément; mais ces lieux estans au
 descouvert, il est aduenü que les cerceaux
 des barils s'estans rompus par les froidu-
 res, les glaces & les vents qui regnerent du-
 rant ce siege, cela causa la perte de la plus-
 part du vin qui estoit dedans, & le fit com-
 mencer à deffailir, bien que la distribution dès
 le premier iour qu'on s'estoit retiré au chasteau
 auoit esté reglée pour chacun soldat à vn bocal
 de vin pesant trente-six onces: dix iours apres
 à demy bocal, ce qui continua iusques au sept-
 iefme Mars, que le vin des barils faillit entie-
 rement, & que l'on n'eut plus de recours que
 aux quatre tonneaux de vin qui estoient en la
 caue; lequel estant frais tiré & beu à l'instac on
 s'en pouuoit passer, mais vn quart d'heure
 apres ce n'estoit plus que vin noir, tourné &
 poulcé: tellement que ceux qui en beuuient le
 iour en receuoient la nuit de grandes douleurs:
 & tout gasté qu'il estoit encore defaillit-il en-
 tierement: & ce qui fut le pire c'est qu'en mes-
 me temps l'eau & le bois manquerent du tout.
 Sur tant de choses necessaires qui alloient
 nous manquant, les assiegeans ayans fait
 faire trois chamades pour nous persuader de

B iij

1625_0022.jpg




Image issue du site mercurefrancois.ehess.fr - Cliché (c) Cécile Soudan